

Bases que rexen a selección para 2025-2026 dos integrantes da Banda Sinfónica Xuvenil Galega

1. Obxecto da convocatoria

É obxecto da presente convocatoria a selección dos integrantes que formarán parte da Banda Sinfónica Xuvenil Galega (BSXG); a comisión seleccionadora elaborará unha lista de músicos en reserva o máis ampla posible.

2. Quen pode presentarse

Para tomar parte, será necesario estar rexistrado como integrante dalgunha das bandas asociadas da FGBMP. O nivel mínimo esixido é 4º de Grao Elemental ou nivel interpretativo equiparable e con límite de 17 anos cumpridos no día da inscrición.

3. Inscrición

A inscrición estará aberta ata o **4 de marzo de 2025** (incluído) e realizarase mediante o seguinte [formulario](#)¹. De querer anotarse en varios instrumentos, deberá enviarse un vídeo con cada un deles.

O vídeo conterá dous extractos diferentes (pode ser repertorio orquestral-bandístico ou obra para instrumento solista). Deben ser dúas pasaxes contrastantes onde se poidan demostrar as habilidades técnicas, habilidades de musicalidade e a calidade do son. No caso da percusión, unha pasaxe debe ser con láminas e outra con parches (timbais, caixa, multipercusión, etc).

A duración máxima do vídeo será de 5 minutos e poderá gravarse todo continuado ou dividido nos dous fragmentos anteriormente mencionados. Non se admitirán interpretacións con acompañamento de piano nin doutros instrumentos.

A Federación informará de calquera tipo de incidencia no proceso de inscrición. Se houber, habilitará un prazo de 2 días hábiles para a corrección de erros, tras os que a Federación procurará dar resposta nun prazo inferior a 3 días hábiles.

¹ Formulario: <https://forms.gle/k7vDeboAuWYRUD487>

4. Valoración

A Federación delega a potestade avaliativa para o proceso de selección a unha comisión de expertos, creada expresamente para tal fin, que valorará a todos os músicos participantes neste proceso.

5. Publicación das listas

A Comisión Delegada da Avaliación emitirá un informe das valoracións realizadas. A FGBMP publicará unha listaxe onde só constarán os documentos de identidade (en formato reducido) e a cualificación obtida.

6. Relación coa BSXG

A validez desta convocatoria terá unha vixencia de 2 anos prorrogables.

7. Orde de chamada

Nas actuacións e actividades que realice a BSXG, os músicos serán chamados gardando rigorosamente a orde da lista segundo as puntuacións obtidas. No suposto de que algún compoñente non poida acudir aos ensaios e concertos, chamarase ao seguinte da mesma. A xerencia artística terá a posibilidade de chamar aos reforzos que considere estritamente necesarios, previa autorización da Xunta Directiva.

8. Músicos seleccionados

Aos músicos seleccionados aplicaráselle o regulamento interno. Adquiren o compromiso de estudar as partituras que lles sexan entregadas así como de asistir aos ensaios e actuacións e acatarán as decisións da dirección e organización artística.

9. Relación coa FGBMP

Cada músico participante asume a pertenza a un proxecto sen ánimo de lucro cuxos obxectivos principais abranguen a consecución da posta en valor das bandas de música populares galegas a través dunha banda de bandas na que todas elas poderán ser representadas polos músicos galegos de máis elevado nivel interpretativo.

Para a participación en cada un dos encontros ou proxectos artísticos, será necesaria unha asistencia do 100%, comprometéndose a asistir a todos os ensaios e concertos de cada encontro no que cada músico acepta o compromiso de participar.

A participación non leva aparellada compensación económica. En función dos apoios económicos que reciba cada proxecto, os integrantes poderán ter que facerse cargo dos gastos de desprazamento, aloxamento ou manutención.

Todos os participantes poderán solicitar, se o precisaren, certificacións de colaboración nos proxectos desenvolvidos.

10. Renovación das listaxes

Salvo impedimento de forza maior, realizarase unha actualización das listas cada dous anos. Se nese período o número de reservas non fose o necesario, abriríase unha nova convocatoria de selección.

11. Incidencias

A Xunta Directiva da FGBMP resolverá calquera incidencia relativa a esta convocatoria.